



國家清史編纂委員會·文獻叢刊

六編

清代稿鈔本

第二八七冊

國家清史編纂委員會·文獻叢刊

六編

清代稿鈔本

第二八七冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社

·廣州·

第二八七冊目錄

京報摘鈔

京報摘鈔

不分卷

光緒六年正月至光緒七年十二月

佚名輯

鈔本

光緒六年正月四月初七日京報

湖廣總督李瀚章等

再准巡閱長江水師前兵部右侍郎臣彭玉麟咨據前楚軍水師健捷新副營哨弁李楚玉等稟控署湖北宜昌鎮標後營守備湖北候補守備張連升官是人非公項無著懇提究追等情咨請查辦等因當經臣等將該員等分別撤調來省飭委湖北候補道張之淵會同臬司督飭武昌府提訊去茲據湖北按察使姚覲元候補道張之淵署武昌府知府陳建侯會詳稱提據長江提標中營左哨都司陳福禮漢陽協候補守備萬飛鵬以聯名指控張連升之案該都司等並不知情赴司呈遞親供懇求摘釋隨即移提漢陽協中軍守備李楚玉長江水師漢陽鎮中軍遊擊移送把總趙仁華秦蘭外委吳洪升周其發並從九品江春藻到案並據張連升赴司投到呈驗保札並

無年貌籍貫可稽訊據張連升供稱係被李楚玉等訛詐不遂挾嫌稟訐並無假冒情事質之李楚玉供與稟詞相同其聯名具稟之守備萬飛鵬等或稱並未夥詐或不知李楚玉具稟情由虛實無憑定斷究竟張連升有無假冒情事李楚玉是否挾嫌誣訐非將該二員先行革職提集人証質審難期水落石出詳請具奏前來相應據情請旨將湖北候補守備張連升湖北漢陽協中軍守備李楚玉一併暫行革職審辦除飭該司道等提集人証嚴訊詳辦外謹會同署湖北提督臣吳鳳柱合詞附片具陳伏乞 聖鑒訓示謹 奏軍機大臣奉 旨著所請兵部知道欽此

頭品頂戴湖廣總督臣李瀚章跪

奏為審明已革守備並無假冒

議擬完案恭摺具陳仰祈 聖鑒事竊照前准巡閱長江水師前兵部右侍郎臣彭玉麟咨據前楚軍水師健捷新副營哨弁湖北漢陽協守備李楚玉等稟控署湖北宜昌鎮後營守備候補守備張連升官是人非公項無著懇提究追等情轉咨到臣當經臣將該員等分別撤調來省委員會審並將守備張連升李楚玉一併先行附片奏請革職審辦奉 旨著照所請兵部知道欽此欽遵行司會審詳辦去後節據升任廣東布政使湖北按察使姚覲元湖北候補道張之淵署武昌府知府陳建侯會詳稱遵提人証到省逐一研訊緣李楚玉籍隸監利縣咸豐十一年投効健捷新副營歷保守備補授漢陽協中軍守備張連升籍隸漢川縣由武童於咸豐十一年在籍辦團隨同健捷新副營打仗出力遞保守備投入督標差遣光緒三年二

月經前署督臣翁同爵委署湖北宜昌鎮後營守備李楚玉與張連升素不認識並無嫌怨於同治五年有健捷新副營營官張啟基諭飭李楚玉暨同營差遣之現任長江漢陽營把總趙仁華等捐修湖北永齡寺存剩捐項銀四百兩作為永齡寺香火八年六月被同營已保守備籍隸直隸大興縣之張連陞借用具有墨領十年春間張連陞潛逃無蹤光緒五年五月內署宜昌鎮後營守備張連升奉派來省領餉李楚玉查知心疑即係籍隸大興縣之張連陞倩候補守備李國炳往向索討前欠張連升答以並非大興縣人未借用前項銀兩李國炳轉向李楚玉告述李楚玉疑係吞騙遂邀張連升至署李楚玉與見知非大興縣之張連陞因其姓名相同恐有假冒情事起意稟訐並以事關公項逼令公同修廟之營弁趙仁華秦蘭吳洪

陞周其發從九江奏藻聯名具稟趙仁華等被逼勉從李楚玉即以
官是人非公項無著等情倩人作就稟詞盜列長江提標中軍都司
陳福禮湖北候補守備萬飛鵬長江岳州營把總謝先耀等名字正
擬赴省呈遞適前兵部右侍郎彭玉麟巡查至鄂李楚玉往謁即將
稟詞呈遞當經咨送飭委會審隨將該員等分別撤調來省正提訊
問據陳福禮萬飛鵬以聯名指控張連升之案該員等均不知情赴
司呈遞親供懇求摘釋詳奉批准並據張連升稟控李楚玉等因訛
詐不遂挾嫌稟訴提訊張連升堅不承認假冒質之趙仁華等或稱
並未夥詐或稱不知李楚玉稟訴情由虛實無憑定斷^將張連升李楚
玉詳經 奏奉 諭旨革審遵提人証訊悉前情詰據張連升堅供
該守備係由新副營開保並非假冒核對保案與獎札相符又據李

楚玉供係誤向張連升索討香大銀兩亦無訛詐情事再四究詰矢口不移應即議結此案已革湖北漢陽協守備^{李楚}玉因籍隸大興縣之張連陞借用香大銀兩潛逃無著誤將姓名相同之張連升聯名稟訐雖非有心誣告亦無訛詐情事惟不查明虛實輒盜列陳福禮等多名稟控殊屬不合已革守備張連升雖訊無假冒情事惟案經委審不候訊斷輒行砌詞互控亦有不合該二員業已革職應請不准開復以肅官方聯名稟控之趙仁華等或係被逼勉從或係不知控情應免置議飭回本任本營供職差遣在逃之大興縣人張連陞飭關緝獲另結無干省釋未到人証免提有累李楚玉張連升保札繳銷是否允協理合詳請核奏等情前來臣覆無異除供招咨部外所有審明議擬緣由謹會同署湖北提督臣吳鳳柱恭摺具陳伏乞

皇太后 皇上聖鑒訓示再新授湖北巡撫臣彭祖賢尚未到任母
庸列銜合併陳明謹 奏軍機大臣奉 旨該部知道欽此

光緒六年正月初八日京報

都察院左都御史臣志和等跪

奏為奏

聞請

旨事據分缺間

選同知景煥芸遣抱劉文喜以違例朦選屢呈不批等詞赴臣衙門呈訴臣等公同訊問據劉文喜供年三十五歲順天良鄉縣人景煥芸寫呈遺遞求閱便悉查原呈內稱竊查吏部每月所出之缺於二十一日開一缺單列入部抄俾眾周知以防弊竇其二十一日以後所到之缺概歸下月銓選乃近年缺單內所開缺少而選單所選缺多即如本年十月分部抄缺單並無同知之缺前閱二十五日選單內竟有戴綸選授廣東潮州府同知一缺細加查詢始知潮州府黃岡同知張作彥在廣東黔捐局捐升道員所遺之缺按照收捐章程其獎案捐冊該省必係五月以前送到吏戶等部核辦捐案銀數既

屬相符自應將缺歸於六月分開缺何以遲至十月分以七月初一日赴部投供之戴綸選授況七月分吏部投供堂榜戴綸名下尚註未起復九月分投供堂榜戴綸名下仍註未起復職即以戴綸選授未投供之先五月以前捐升到部之缺並其未起復以前預先赴部投供及十月缺單內何以未列此缺十一月初四十四等日兩次具呈吏部未蒙批示伏思廣東如果未送捐冊吏部何不查取應申不申各職照例議處至丁憂未曾起復人員若准預先赴部投供將來輪選到班時只按投供限期不扣核准起復日期則以後凡係丁憂將屆起復人員均可預先投供一經起復文結到部即可按照投供日期銓選不惟諸多取巧諒吏部定例亦不能如此含混是否歷前挪後違例朦選抑係定例究應如何辦理等語臣等查該同知景煥

芸所陳各節事關銓選是否抑前歷後違例朦選抑係該員有未諳
例章之處謹抄錄原呈恭呈 御覽並請 飭下吏部詳細查明覆
奏以肅銓政為此謹 奏光緒六年十二月十八日奉 上諭都察
院奏同知景煥芸違抱以違例朦選等詞赴該衙門呈訴據稱本年
十月分吏部缺單並無同知之缺二十五日選單內有戴綸選授廣
東潮州府同知一缺是缺應歸六月分開缺乃遲至十月分以七月
初一日投供之戴綸選授且戴綸未經起復不應赴部投供是否抑
前歷後違例朦選請飭詳查等語著吏部詳細查明具奏欽此

光緒六年正月二十日京報

山東巡撫臣周恒祺跪 奏為查明陵縣匪徒蘭汰滋事詳細情形
並將辦事鹵莽之知縣請 旨革職以示懲儆恭摺仰祈 聖鑒事
竊臣欽奉光緒五年五月二十七日 寄諭御史孔憲毅奏山東知
縣趙多熙將訴災平民擅殺二十餘命並無確供錄報文格原奏實
多枉誣等因欽此臣欽遵遵遴委候補道姚濟勳馳往切實密查並檄
行藩臬兩司一體查明稟覆核辦旋據姚濟勳稟稱該道不動聲色
先赴陵縣鄰近及各鄉間逐一查訪光緒三年冬間該縣匪徒蘭汰
斂錢聚眾藉團抗漕各鄉良民多受擾害已革前署縣江肇麟未及
拿辦却事接署知縣趙多熙於四年正月間到任亟思設法掩捕三
月十三日會營帶領兵役並約有前充團長之邑紳王金甲帶人齊

集小呂家莊園拿蘭汰聞風逃逸至四月初間蘭汰潛回欲復前次
協拿之仇糾合各處無賴多人於是月初十日夜攻打李五音莊上
圩未破又至李家坊一帶肆行搶掠趙多熙即會營督率兵勇並仍
飭王金甲齊集鄉團馳往兜捕十二日黎明官兵與蘭汰遇於李家
坊外常家窪地方彼此接仗官兵小有斬獲蘭汰因所放大砲炸裂
匪眾驚潰四散官軍乘勝追趕先後拿獲匪犯二十三名押帶回城
嗣趙多熙因聞蘭汰有折回來城奪犯之謠越日將馬希固等二十
一犯就地正法內有王智劉青二名訊係被脅勉從暫行管押嗣已
訊明釋放此實眾目共覩鄉人言之厯厯如繪僉稱所殺並非訴災
平民該道復至縣城趙多熙先已交卸接見現任知縣曾長治及同
城文武詳加詰詢所言均大畧相同僉稱未聞趙多熙有關通前任